

**№38 қазақ орта мектебі 9 «Ә» сынып жетекшісі**  
**Айсағалиқызы Римманың ата-аналарды педагогикалық қолдау**  
**бағдарламасының жоспары бойынша өткізген семинар-тренинг анықтамасы**

Әлеуметтік экономикалық жағдайлардың күрделілігіне қарамастан, отбасы балаларды әлеуметтендірудің негізгі институты болып қала береді. Ата-аналардың қазіргі әлеуметтік-экономикалық шындыққа қанишалық бейімделе алатынынан және позитивті ата-ана болу құзыретін қанишалық дамыта алатынынан біздің мемлекетіміздің балалары мен жастарының толыққанды дамуы мен жалпы әл-ауқаты қамтамасыз етілетін болады.

Позитивті ата-ана мәдениетін дамыту республиканың білім беру ұйымдарының педагогтарымен өзара іс-қимылда жүзеге асырылуы мүмкін. Позитивті ата-ана мәдениетінің мәні – баланың терең түсінігінде, оның қажеттіліктерін, тілектерін, белгілі бір мінез-құлықтың себептерін, жеке тұлғаның толыққанды дамуы үшін қолайлы жағдайлар жасауда.

Позитивті ата-ана – достық қарым-қатынасқа негізделген ата-ана стилі, бала мен ересек адамның қолдауы, өзара ынтымақтастығы. Мұндай тәсілдің нәтижесі – орталықтың мақсаттары мен міндеттерінде көрініс табатын біздің қоғамның басты байлығы ретінде балалардың әл-ауқатын қамтамасыз ету.

**Педагогикалық қолдау орталығының мақсаты:** балалардың әл-ауқатын қамтамасыз етуде мемлекеттік орта білім беру ұйымдары мен ата-аналар арасындағы тиімді өзара іс-қимыл үшін жағдайларды қамтамасыз ету.

**Ата-аналарды педагогикалық қолдау орталығының міндеттері:**

1) балалардың әл-ауқатын қамтамасыз ету үшін ата-аналардың педагогикалық мәдениетін, психологиялық-педагогикалық және әлеуметтік құзыреттерін дамытуға бағытталған ата-аналарға жүйелі педагогикалық қолдау көрсетуді ұйымдастыру;

2) білім беру ұйымы мен отбасы арасындағы балаларды тәрбиелеу мен дамытудағы өзара іс-қимылды нығайту;

3) отбасылық тәрбие процесінде балалардың әл-ауқатын қамтамасыз ету бойынша ата-аналардың уәжделмесін арттыру.

Бұл ретте баланың әл-ауқаты оның физикалық және психикалық денсаулығын қолдауға және жақсартуға, сапалы білім берумен, даму мүмкіндіктерімен, қауіпсіздігімен және басқа да жағдайлармен қамтамасыз етуге бағытталған факторлардың жиынтық әсері кезінде қалыптасқан жағдай ретінде қарастырылады.

**Орталық қызметінің принциптері:**

- Ұлттық мәдениет, құндылықтар мен дәстүрлердің сабақтастығы;
- Үдерістің гуманистік бағыттылығы;
- Ата-аналарға дифференциалды және жеке-кей қолдау көрсету;
- Заманауи ғылым мен тәжірибенің озық үлгілерін пайдалану;
- Әлеуметтік серіктестікке басымдық беру, ресурстық ұйымдар мен білікті сарапшыларды тарту.

Орталықтың қызметі балаларды тәрбиелеу және дамыту мәселелерінде ата-аналардың және балалардың басқа да заңды өкілдерінің құзыреттерін қалыптастыруға бағытталған.

Бүгінгі таңда әр отбасына өз әлеуетін ашуға көмектесу, ата-аналардың алдында тұрған мәселелерді шешуге жәрдем беру маңызды. Бұл жағдайда келесі факторларды ескеру қажет:

1. Әр отбасының мықты жақтары мен маңызды практикалық дағдылары бар.

2. Ауызбіршілігі күшті отбасы кез келген қиындыққа төзімді болады.

3. Тіпті қиын кезде де ата-аналардың көпшілігі балаларын жақсы көреді және оларға қамқорлық жасайды.

Ата-аналарды педагогикалық қолдау орталығының бағдарламалары балаларды тәрбиелеу және дамыту бойынша ата-аналық міндеттерді орындауды жеңілдетуге, ата-аналар мен балалардың нақты өмірде кездесетін мәселелерін шешуге ықпал етуге арналған. Тыңдаушыларына отбасының әлеуетін ашуға арналған идеялар мен құралдар, сондай-ақ балалармен табысты қарым-қатынас жасау, жеке тұлғаны дамыту үшін қолайлы орта құру тәсілдері ұсынылады.



Қатысушы ата-аналар балалардың мінез-құлқының қалай өзгертетінін біледі, баланың мінез-құлқындағы қажетті өзгерістерге қол жеткізуге мүмкіндік беретін әдістерді үйренеді. Ата-аналар балаларымен қарым-қатынастың экологиялық таза тәсілдерін меңгереді, бір-бірін тыңдау және есту қабілетін дамытады, балалардың өздерін қауіпсіз сезінуіне көмектесетін шектеулерді қалай қою керектігін түсінеді, отбасындағы қарым-қатынасқа жаңа көзқараспен қарайды.

Орталықтың тақырыптарымен танысу бойынша болатын кездесулер және ата-аналардан алынатын сауалнама осы жылдың 15 қыркүйегіне дейінгі кезеңде әр түрлі жастағы: 1–4 сынып; 5–9 сынып; 10–11 сынып оқушыларының ата-аналары үшін жүргізіледі.

Әр бағдарлама жылына сегіз сабақты қамтиды, олардың екеуі үшеуі мектептің өзіне қатысты мәселелер мен тақырыптар бойынша өткізілуі мүмкін.

Орталықтың сабақтары кестеге сәйкес, әр түрлі формаларды қолдана отырып, жеке өткізіледі.

Орталықтың қызметіне белсенді ата-аналарды, аға буын өкілдерін тарту көзделген.

Ата-аналарды педагогикалық қолдау орталығы мектебінде ашылды. Ата-аналарды педагогикалық қолдау орталығы туралы толық мағлұмат берілді.

Менің сыныбымнан ата-аналарды қолдау бағдарламасы негізінде жүргізіліп жатырған семинар-тренингтерге белсенді ат салысуда. Бүгінгі күнге дейін жалпы саны 8 рет болды. Оның ішінде 9-11 сынып ата-аналарына 2 рет болды. Осы екі семинар – тренингке сыныбымнан әзірге 9 ата-ана қатысты.

9 қараша күні 9-11 сынып оқушыларының ата-аналарына “Боламын деген баланың бетін қақпа, белін бу...” тақырыбында ата-аналарға тренинг өткізілді.

Мақсаты: 1. Жоғарғы сынып оқушыларының жас және әлеуметтік ерекшеліктері;

2. Позитивті ата-ана тәрбиесі – жоғары сынып оқушысының өз болашағын өз бетінше құруға қалауы мен қабілетін қолдау;

3. Тұлға дамуының негізі – өз бетінше әрекет етуі;

4. Ұлттық этика негізінде заман талабына сай өзін-өзі тәрбиелеу әдістері.

Семинар-тренингті мектебіміздің директоры Л.Ш. Урекешованың алғашқы сөзімен басталып, кейіннен мектебіміздің психологы Г.Ж. Бердібектің тренингімен ашылды.

Тренингте «Мен ...» жаттығуы, «Эмоционалды суреттейік» жаттығуы, «Жүрек жылуы» жаттығуларымен жұмыс жүргізілді. Тренингке қатысқан 9-11 сынып оқушыларының ата-аналары «Баланың болашағына ата-ананың әсері» деген тақырыпта постер қорғады. Тренинг соңында «Осы кездесуден кейін мен былай ойлаймын...» деген сөйлемді аяқтау рефлексиясымен аяқталды. Тренингке қатысушы спикерлер: мектеп директоры Л.Ш. Урекешова, директордың тәрбие ісі жөніндегі орынбасары А.А. Мустафина, мектеп психологы Г.Ж. Бердібек, тренингті өткізуші 9 «Ә» сынып жетекшісі Р. Айсағалиқызы және 9-11 сынып ата-аналары.

Бұл тренинг мектебіміздің инстаграмм парақшасына салынды. Сондай-ақ, Облыстық «Ақтөбе» газетінің (№91 (21.435) 14 қараша сейсенбі 2023 жыл – Ата-аналар жаттығу жасады(тақырыбымен) бетіне шықты және осы облыстық «Ақтөбе» газетінің сайтында жарияланды.











